

学生版

主编：王为国

# 传世 经典

CHUANSHI JINGDIAN

3



红旗出版社

③

传世经典  
学生版

主编 王为国

红旗出版社

## 帝 范

——唐太宗

### 【题解】

唐太宗即李世民，高祖李渊次子，公元627年至649年在位。初封赵公，进秦王，任尚书令，成为隋末统一战争中的主要统帅。武德九年，发动“玄武门之变”，杀死太子兄李建成及齐王弟李元吉，迫父让位，遂即帝位，改元贞观。唐太宗是一个杀亲擅位的帝王，但与许多君主相比，他卓越的优长是时常借鉴亡隋，“从谏如流”，建章立制，发奋图治，重视生产与民生。“广为古今人称道的“水能载舟，亦能覆舟”的古代君民政治关系原则，即常被李氏奉为政治“座右铭”。唐太宗时期的非凡政绩，被称为中国历史上少有的顶尖盛世——“贞观之治”。

《帝范》是唐太宗的经心之作。意为帝王在“经天纬地”、“纂业承基”及兴亡治乱过程中，用以“修身治国平天下”的精神、法则和诫规，并借以诲诫皇嗣。此作凡论“君体”、“建亲”、“求贤”、“审官”、“纳谏”、“去谗”等十二篇，遥述黄帝、尧、舜，近鉴亡隋，“所以披镜前踪，博览史籍，聚其要言以为近诫云耳。”所可贵者，

太宗尚能以此律己，检点“深过”，并告诫后嗣，敬业砺身，其“废寝忘食”忧患社稷的“皇道”精神与面貌，实为中国古代历朝帝王之典范。这在我们今天读来，仍有精彩的欣赏与借鉴意义。

### 【原文】

序曰：“朕闻大德曰生<sup>[1]</sup>，大宝曰位<sup>[2]</sup>。辨其上下，树之君臣，所以抚育黎元<sup>[3]</sup>，钧陶庶类<sup>[4]</sup>，自非克明克哲、允武允文<sup>[5]</sup>。皇天眷命，历数在躬<sup>[6]</sup>，安可以滥握灵图、叨临神器<sup>[7]</sup>？是以翠妫荐唐尧之德<sup>[8]</sup>，元圭锡夏禹之功<sup>[9]</sup>。丹字呈祥，周开八百之祚<sup>[10]</sup>；素灵表瑞，汉启重世之基。由此观之，帝王之业非可以力争者矣！昔隋季版荡<sup>[11]</sup>，海内分崩，先皇以神武之姿<sup>[12]</sup>，当经纶之会<sup>[13]</sup>，斩灵蛇而定王业，启金镜而握天枢<sup>[14]</sup>。然由五岳含气<sup>[15]</sup>，三光戢曜<sup>[16]</sup>，豺狼尚梗<sup>[17]</sup>，风尘未宁。朕以弱冠之年<sup>[18]</sup>，怀慷慨之志，思靖大难以济苍生<sup>[19]</sup>，躬擐甲胄<sup>[20]</sup>。亲当<sup>[21]</sup>矢石。夕对鱼鳞之阵，朝临鹤翼之围。敌无大而不摧，兵何坚而不碎。剪长鲸而清四海，扫攬枪而廓八肱<sup>[22]</sup>。乘庆天潢<sup>[23]</sup>，登晖璇极<sup>[24]</sup>，袭重光之永业，继大宝之隆基。战战兢兢，若临深而御朽；日慎一日，思善始而令终。汝以幼年偏钟慈爱，义方多阙<sup>[25]</sup>，庭训有乖<sup>[26]</sup>。擢自维城之居<sup>[27]</sup>，属以少阳之任<sup>[28]</sup>，未辨君臣之礼节，不知稼穡之艰难。朕每思此为忧，未尝不废寝忘

食。自轩昊已降迄至周隋<sup>[29]</sup>，以经天纬地之君、纂业承基之主，兴亡治乱，其道焕焉<sup>[30]</sup>。所以披镜前踪<sup>[31]</sup>，博览史籍，聚其要言以为近诫云耳。

### 君体第一

夫人者，国之先；国者，君之本。人主之体，如山岳焉；高峻而不动；如日月焉；贞明而普照，兆庶之所瞻仰，天下之所归往。宽大其志，足以兼包；平正其心，足以制断<sup>[32]</sup>。非威德无以致远，非慈厚无以怀人<sup>[33]</sup>。抚九族以仁<sup>[34]</sup>，接大臣以礼。奉先思孝<sup>[35]</sup>，处位思恭，倾已勤劳，以行德义，此乃君之体也<sup>[36]</sup>。

### 建亲第二

夫六合旷道<sup>[37]</sup>，大宝重任。旷道不可偏制，故与人共理之；重任不可独居，故与人共守之。是以封建亲戚<sup>[38]</sup>，以为藩卫，安危同力，盛衰一心。远近相持，亲疏两用。并兼路塞，逆节不生<sup>[39]</sup>。昔周之兴也，割袭山河，分王宗族。内有晋郑之辅<sup>[40]</sup>，外有鲁卫之虞<sup>[41]</sup>。故卜祚灵长<sup>[42]</sup>，历年数百。秦之季也<sup>[43]</sup>，弃淳于之策<sup>[44]</sup>，纳李斯之谋，不亲其亲，独智其智，颠覆莫恃二世而亡。斯岂非枝叶不疏，则根柢难拔<sup>[45]</sup>；股肱既殒<sup>[46]</sup>，则心腹无依者哉！汉初定关中，诚亡秦之

失策，广封懿亲<sup>[47]</sup>，过于古制。大则专都偶国<sup>[48]</sup>，小则跨郡连州。末大则危，尾大难掉。六王怀叛逆之志，七国受铁钺之诛<sup>[49]</sup>。此皆地广兵强，积势之所致也。魏武创业<sup>[50]</sup>，暗于远图，子弟无封户之人，宗室无立锥之地。外无维城以自固<sup>[51]</sup>，内无磐石以为基<sup>[52]</sup>。遂乃大器保于他人<sup>[53]</sup>，社稷亡于异姓。语曰：“流尽其源竭，条落则根枯。”此之谓也。夫封之太强，则为噬脐之患<sup>[54]</sup>；致之太弱，则无固本之基。由此而言，莫若众建宗亲而少力<sup>[55]</sup>，使轻重相镇，忧乐是同，则上无猜忌之心，下无侵冤之虑，此封建之鉴也。斯二者，安国之基。君德之宏，唯资博达<sup>[56]</sup>，设分悬教<sup>[57]</sup>，以术化人。应务适时<sup>[58]</sup>，以道制物。木以神隐为妙，道以光大为功。括苍旻以体心<sup>[59]</sup>，则人仰之而不测<sup>[60]</sup>；包厚地以为量，则人循之而无端。荡荡难名<sup>[61]</sup>，宜其宏远。且敦穆九族<sup>[62]</sup>，放勋流美于前；克谐丞义，重华垂眷于后<sup>[63]</sup>。无以奸破义，无以疏间亲<sup>[64]</sup>。察之以德，则邦家俱泰，骨肉无虞<sup>[65]</sup>，良为美矣！

### 求贤第三

大國之匡辅，必待忠良。任使得人，天下自治。故尧命四岳<sup>[66]</sup>，舜举八元<sup>[67]</sup>，以成恭已之隆<sup>[68]</sup>，用赞钦明之道<sup>[69]</sup>。士之居世，贤之立身，莫不戢翼隐

鳞<sup>[70]</sup>,待风云之会。怀奇蕴异,思会遇之秋。是以明君旁求俊义,博访英贤,搜扬侧陋<sup>[71]</sup>。不以卑而不用,不以辱而不尊。伊尹<sup>[72]</sup>,有莘之媵臣<sup>[73]</sup>;吕望<sup>[74]</sup>,渭滨之贱老。夷吾<sup>[75]</sup>困于缧绁<sup>[76]</sup>,韩信弊于逃亡。商汤不以鼎俎为羞<sup>[77]</sup>。姬文不以屠钓为耻<sup>[78]</sup>,终能献规景毫<sup>[79]</sup>,光启殷朝;执旌牧野<sup>[80]</sup>,会昌周室。齐成一匡之业,实资仲父之谋<sup>[81]</sup>。汉以六合为家,是赖淮阴之策<sup>[82]</sup>。故舟航之绝海也<sup>[83]</sup>,必假桡楫之功;鸿鹄之凌云也,必因羽翮之用<sup>[84]</sup>。帝王之为国也,必藉匡辅之资。故求之斯劳,任之斯逸。照车十二<sup>[85]</sup>,黄金累千,岂如多士之隆,一贤之重!此乃求贤之贵也。

#### 审官第四

夫设官分职,所以阐化宣风<sup>[86]</sup>。故明主之任人,如巧匠之制本。直者以为辕,曲者以为轮;长者以为栋梁,短者以为棋角,无曲直长短<sup>[87]</sup>,各有所施。明主之任人,亦由是也。智者取其谋,愚者取其力;勇者取其威,怯者取其慎,无智愚勇怯,兼而用之。故良匠无弃材,明主无弃士。不以一恶忘其善,勿以小瑕掩其功,割政分机,尽其所有。然则函牛之鼎不可处以烹鸡<sup>[88]</sup>,捕鼠之狸不可使以搏兽;一钧之器不能容以江汉之流,百石之车不可满以斗筲之粟<sup>[89]</sup>。何则?

大非小之量，轻非重之宜。今人智有短长，能有巨细，或蕴百而尚少，或统一而为多。有轻才者，不可委以重任；有小力者，不可赖以成职。委任责成，不劳而化。此设官之当也。斯二者，治乱之源。立国制人，资股肱以合德；宣风道俗，俟明贤而寄心<sup>[90]</sup>。列宿腾天，助阴光之夕照<sup>[91]</sup>；百川决地，添溟渤之深源<sup>[92]</sup>。海月之深朗。猶假物而为大。君人御下，统极理时，独运方寸之心，以括九区之内<sup>[93]</sup>，不资众力，何以成功？必须明职审贤，择材分祿。得其人，则风行化洽；失其用，则亏教伤人。故云：“则哲惟难<sup>[94]</sup>。”良可慎也！

### 纳谏第五

夫王者高居深视，亏德阻明。恐有过而不闻，惧有阙而莫补。所以设輶树木<sup>[95]</sup>，思献替之谋；倾耳虚心，佇忠正之说<sup>[96]</sup>。言之而是，虽在仆隶刍荛<sup>[97]</sup>，猶不可弃也。言之而非，虽在王侯卿相，未必可容。其可观，不责其辩；其理可用，不责其文。至若折檻怀疏<sup>[98]</sup>，标之以作戒；引裾却坐<sup>[99]</sup>，显之以自非。故云：忠者沥其心，智者尽其策。臣无隔情于上，君能遍照于下。昏主则不然，说者拒之以威，劝者穷之以罪，大臣惜祿而莫谏，小臣畏诛而不言。恣暴虐之心，极荒淫之志。其为壅塞，无由自知，以为德超三皇，材过五

帝，至于身亡国灭，岂不悲哉！此拒谏之恶也。

### 去谗第六

夫谗佞之徒，国之蠹贼也<sup>[100]</sup>。争荣华于旦夕，竞势力于市朝<sup>[101]</sup>。以其谄谀之姿，恶忠贤之在己上；奸邪之志，恐富贵不我先。朋党相持，无深而不入；比周相习<sup>[102]</sup>，无高而不升。令言巧色，以亲于上；先意承旨，以悦于君。朝有千臣，昭公去国而不悟；弓无九石，宣王终身而不知。以疏间亲，宋有伊戾之祸<sup>[103]</sup>；以邪败正，楚有郤宛之诛<sup>[104]</sup>。斯乃暗主庸君之所迷惑，忠臣孝子之可泣冤。故丛兰欲茂，秋风败之；王者欲明，谗人蔽之。此奸佞之危也。斯二者，危国之本。砥躬砺行<sup>[105]</sup>，莫尚于忠言；败德败正，莫逾于谗佞。今人颜貌同于目际，猶不自瞻，况是非在于无形，奚能自睹？何则？饰其容者，皆解窥于明镜；修其德者，不知访于哲人，讵自庸愚<sup>[106]</sup>，何迷之甚！良由逆耳之辞难受，顺心之说易从。彼难受者，药石之苦喉也<sup>[107]</sup>；此易从者，鸩毒之甘口也<sup>[108]</sup>。明王纳谏，病就苦而能消；暗主从谀，命因甘而致殒。可不慎哉！可不慎哉！

### 诫盈第七

夫君者，俭以养性，静以修身。俭则人不劳，静则

下不扰。人劳则怨起，下扰则政乖<sup>[109]</sup>。人主好奇技淫声，鸷鸟猛兽，游幸无度，田猎不时，如此则徭役烦，徭役烦则人力竭，人力竭则农桑废焉。人主好高台深池，雕琢刻镂，珠玉珍玩，黼黻 绯绣<sup>[110]</sup>，如此则赋敛重，赋敛重则人才遗，人才遗则饥寒之患生焉。乱世之君，极其骄奢，恣其嗜欲。土木衣 缂绣，而人袒褐不全<sup>[111]</sup>；犬马厌刍豢<sup>[112]</sup>，而人糟糠不足。故人神怨愤，上下乖离。佚乐未终，倾危已至。此骄奢之忌也。

### 崇俭第八

夫圣世之君，存乎节俭；富贵广大，守之以约；睿智聪明，守之以愚。不以身尊而骄人，不以德厚而矜物<sup>[113]</sup>。茅茨不剪<sup>[114]</sup>，采椽不斲<sup>[115]</sup>，舟车不饰，衣服无文<sup>[116]</sup>，土阶不崇，大羹不和<sup>[117]</sup>。非憎荣而恶味<sup>[118]</sup>，乃处薄而行俭。故风淳俗朴，比屋可封<sup>[119]</sup>。斯二者，荣辱之端。奢俭由人，安危在己。五关近闭<sup>[120]</sup>，则嘉命运远盈；千欲内攻，则凶源外发。是以丹桂抱蠹<sup>[121]</sup>，终摧荣耀之芳；朱火含烟，遂郁凌云之焰<sup>[122]</sup>。以是知骄出于志，不节则志倾；欲生于心，不遏则身丧。故桀肆情而祸结，尧舜约己而福延。可不务乎？

### 赏罚第九

夫天之育物，猶君之御众。天以寒暑为德，君以仁爱为心。寒暑既调，则时无疾疫；风雨不节，则岁有饥寒。仁爱下施，人不凋弊；教令失度，则政有乖违。防其害源，开其利本。显罚以威之，明赏以化之。威立则恶者惧，化行则善者劝。适己而妨于道，不加禄焉；逆己而便于国，不施刑焉。故赏者不德<sup>[123]</sup>，君功之所致也<sup>[124]</sup>；罚者不怨，上罪之所当也。故《书》曰：“无偏无党，王道荡荡。”此赏罚之权也<sup>[125]</sup>。

### 农务第十

夫食为人天，农为政本。仓禀实则知礼节，衣食足则志廉耻。故躬耕东郊<sup>[126]</sup>，敬授人时。国无九岁之储，不足备水旱；家无一年之服，不足御寒暑。然而莫不带犊佩牛<sup>[127]</sup>，弃坚就伪<sup>[128]</sup>，求什一之利，废农桑之基。以一人耕而百人食，其为害也，甚于秋螟。莫若禁浮华，劝课耕织，使人还其本俗，反其真，则竞怀仁义之心，永绝贪残之路，此务农之本也。斯二者，制俗之机<sup>[129]</sup>。子育黎黔<sup>[130]</sup>，惟资威惠。惠可怀也，则殊俗归风，若披霜而照春日。威可惧也，则中华慑軒<sup>[131]</sup>，如履刃而戴雷霆。必须威惠并驰，刚柔两用，

画刑不犯<sup>[132]</sup>，移木无欺<sup>[133]</sup>。赏罚既明，则善恶斯别；仁信普著，则遐迩宅心<sup>[134]</sup>；劝穡务农，则饥寒之患塞；遏奢禁丽，则丰厚之利兴。且君之化下，如风偃草。上下节心，则下多逸志。君不约己，而禁人为非，是猶恶火之燃，添薪望其止焰；忿池之浊，挠浪欲止其流，不可得也。莫若先正其身，则人不言而化矣！

### 阅武第十一<sup>[135]</sup>

夫兵甲者，国之凶器也。土地虽广，好战则人彫；邦国虽安，亟战则人殆。彫非保全之术，殆非拟寇之方<sup>[136]</sup>。不可以全除，不可以常用。故农隙讲武，习威仪也。是以勾践轼蛙<sup>[137]</sup>，卒成霸业；徐偃弃武<sup>[138]</sup>，遂以丧邦。何则？越习其威，徐忘其备。孔子曰：“不教人以战，是谓弃之。”故知孤矢之威<sup>[139]</sup>，以利天下。此用兵之机也。

### 崇文第十二

夫功成设乐，治定制礼。礼乐之兴，以儒为本。宏风导俗，莫尚于文。敷教训人，莫善于学。因文而隆道，假学以光身<sup>[140]</sup>。不临深谿，不知地之厚；不游文翰，不识智之源。然则质蕴吴竿<sup>[141]</sup>，非笞羽不美<sup>[142]</sup>；性怀辨慧<sup>[143]</sup>，非积学不成。是以建明堂<sup>[144]</sup>，

立辟雍<sup>[145]</sup>，博览百家，精研六艺<sup>[146]</sup>，端拱而知天下<sup>[147]</sup>，无为而鉴古今。飞英声<sup>[148]</sup>，腾茂实<sup>[149]</sup>，光于不朽者，其唯学乎？此文术也。斯二者，递为国用<sup>[150]</sup>。至若长气亘地，成败定乎锋端；巨浪滔天，兴亡决乎一阵。当此之际，则贵干戈而贱庠序<sup>[151]</sup>。及乎海岳既晏<sup>[152]</sup>，波尘已清，偃七德之馀威<sup>[153]</sup>，敷九功之大化<sup>[154]</sup>。当此之际，则轻甲胄而重诗书。是知文武二途，舍一不可。与时优劣，各有其宜，武士儒人，焉可废也。

此十二条者，帝王之大纲也，安危兴废，咸在兹焉。人有云：“非知之难，惟行之不易。行之可勉，惟终实难。”是以暴乱之君，非独明于恶路；圣哲之主，非独见于善途，良由大道远而难遵<sup>[155]</sup>，邪径近而易践。小人俯从其易，不得力行其难，故祸败及之。君子劳处其难，不能力居其易，故福庆流之<sup>[156]</sup>。故知祸福无门，惟人所召。欲悔非于既往，惟慎祸于将来。当择哲主为师，毋以吾为前鉴。取法于上，仅得为中；取法于中，故为其下。自非上德，不可效焉。吾在位以来，所制多矣！奇丽服玩<sup>[157]</sup>，锦绣珠玉，不绝于前，此非防欲也。雕楹刻桷<sup>[158]</sup>，高台深池，每兴其役，此非俭志也。犬马鹰鹤<sup>[159]</sup>，无远必致，此非节心也。数有行幸<sup>[160]</sup>，以亟劳人，此非屈己也。斯事者，吾之深过，勿以兹为是，而后法焉。但我济育苍生，其益多；平定寰宇，其功大。益多损少人不怨，功大过微德未亏。然

猶之尽美之善以广德，则业泰身安；若肆情以从非，则业倾身丧。且成迟败速者，国基也；失易得难者，天位也<sup>[162]</sup>。可不惜哉！

### 【注释】

- [1]生：生化万物。
- [2]大宝：非常贵重之物。此处指帝位。
- [3]黎元：黎民百姓。
- [4]钧陶庶类：治理臣民。钧陶，古人以陶匠制钧喻君王制驭臣民。庶类，庶民。
- [5]允武允文：文事与武功兼备。
- [6]历数在躬：命运在自己手里。历数，天命。躬，反身代词。
- [7]灵图：帝王的符灵。
- [8]翠妫：河流名，传说黄帝在此得到河图。
- [9]元圭：与天同色的珪玉。元，天。圭，玉制礼器。
- [10]祚：国运，命运。
- [11]版荡：叛乱、动荡。版，同“板”、“反”，反先王之道。荡，毁坏法度。
- [12]先皇：这里指唐太宗之父、唐高祖李渊。
- [13]经纶之会：治理国家之际。经纶，治理。会，时机，时候。
- [14]金镜：宝鉴。

[15]五岳含气：五岳模糊不清。五岳：东岳泰山、西岳华山、南岳衡山、北岳恒山、中岳嵩山的合称。含气，包含雾气。

[16]三江戢曜(yào)：三光不明。三光，日光、月光、星光的合称。戢曜，隐而不明。

[17]梗：作恶、为非作歹。

[18]弱冠：古时男子二十成人，初加冠，体还未壮，故称弱冠。二十至二十九岁皆称“弱冠之年”。

[19]靖：安定。

[20]躬擐(huàn)甲胄：亲自穿上铠甲、戴上头盔，喻上阵作战。擐，穿、戴。

[21]当：同“挡”，抵挡，挡住。

[22]攬(chán)枪：妖星，即慧星，喻灾祸。

[23]天潢：天河，喻至高无上的帝位。

[24]璇极：宝位、帝位。

[25]汝：指太子李治，即后继者高宗。义方：处理事情恰当而又公正。义，宜，适当。方，正，公正。

[26]乖：乖违，阙误。

[27]维城：藩障，指诸侯藩卫之城。

[28]少阳：东方。天子居正阳，太子居少阳。

[29]轩昊：借指三皇五帝。

[30]煥：清晰、明亮。

[31]披镜前踪：参阅前人的事迹。

[32]制断：裁断、判断。

[33]怀人：保全百姓。怀，安抚、保全。

[34]九族：有两种说法。一种说法为：九族为父族四、母族三、妻族二（见《尚书》）。另一说法为：九族为上至高祖下至元孙的同姓家人。（见唐代孔颖达疏）

[35]奉先：侍候先祖。奉，侍候，奉养。

[36]体：根本。

[37]六合旷道：天下大道。六合，即六方，天、地、东、西、南、北六个方位。旷，元。

[38]封建：分封树立。建，树立。封，分封。

[39]逆节：不遵主命。

[40]辅：辅佐、辅卫。

[41]虞：防备、防卫。

[42]卜祚灵长：占卜国运长盛不衰。卜，卜问。祚(zuò)：帝位，国运。灵长，广远绵长。

[43]季：末，末世。

[44]淳于：即淳于越，战国时齐国人，为秦始皇之臣，仕为博士，敢于直言，曾建议始皇分封子弟、功臣为各地诸侯，未被接纳。

[45]根柢：树根。柢(dǐ)，树根。

[46]股肱：大腿与胳膊。股，大腿。肱(gōng)，胳膊。

[47]懿亲：皇室宗亲。懿(yì)，深。

[48]专都偶国：喻分封之国面积过大。专都，另

立都城。偶国，与中央王朝相匹敌。偶，与……相等，匹配。

[49]六王：汉代分封的六个同姓王，即楚王刘戊、赵王刘遂、胶西王刘卯、济南王刘辟光、淄川王刘贤、胶东王刘雄渠。汉景帝三年（公元前154年），六王在吴王刘濞的带领下，联合发动武装叛乱，不久七国之乱即被平息。

[50]魏武：即曹操，汉献帝曾封其为魏王。

[51]维城：藩障，指诸侯藩卫之城。

[52]磐石：大石，柱下之石。盤同“磐”

[53]大器：祭祀用的贵重器皿。这里借指帝位。

[54]噬脐之患：喻不可救及的灾难。噬脐，咬自己的肚脐，这是无法企及之事。《左传》庄公六年，楚文王伐申过邓，骓甥、聃甥、养甥请杀楚王，祁侯不许。三甥曰：“亡邓国者必此人也！若不早图，后君噬脐，其及图之乎？”后邓国果为楚文王所灭。

[55]少力：分散力量。少，减少。

[56]博达：广博通达。

[57]设分悬教：张设明分、悬示教令。分，明分，礼仪、贵贱之等级。教，教令、法令。

[58]应务：处理事务。应，应付，处理。

[59]苍旻：苍天，旻（mín），天空。

[60]不测：不加揣测，指不信任。测，窥测，揣摩。

[61]难名：难以表述。名，表达，陈述。